

KJKP "POKOP" d.o.o. Sarajevo
za sahrane i upravljanje grobljem



KJKP "POKOP" d.o.o. Sarajevo
funerals and cemeteries management

TELEFONI: Direkcija +387(033)535-170 / 446-137 - Prodav.pogrebne opreme 551-370 - Groblje «Bare» 551-750 Groblje «Vlakovo» 761-955
Vozni park 623-583 - Cvjećara «Bare» 551-375- Mrtvačnica 664-686- Tel/fax 535-164 - Groblje «Stadion» 258-306 - E-mail: kjkp_pokop@bih.net.ba - Web site: www.pokop.ba

ASSOCIATION
OF SIGNIFICANT
CEMETERIES
IN EUROPE **A S C E**

PRAVILNIK

KJKP "POKOP" D.O.O. SARAJEVO

**O ODRŽAVANJU GROBALJA, IZGRADNJI I INVESTICIJSKOM ODRŽAVANJU OBJEKATA
INFRASTRUKTURE NA GROBLJIMA TE NABAVCI STROJEVA I OPREME ZA ODRŽAVANJE
GROBLJA**

Sarajevo, juni 2017.

BAS EN ISO 9001:2000 / 14001:2004

71 000 SARAJEVO, MULA MUSTAFE BAŠESKIJE 38, Bosna i Hercegovina - TRANSAKCIJSKI RAČUNI U KM: I. VOLKSBANK BiH:1401020003012707
II. NLB TUZLANSKA BANKA DD Tuzla: 1327310010000150 - III. UNION BANKA DD Sarajevo:1020290000015965
IV. RAIFFEISEN BANK DD Sarajevo: 1610000005140041 - V. UNICREDIT Zagrebačka banka d.d. Sarajevo:3383202250686353
VI;PDV BR.200119040004 - VII. P.B.01841343 -Registr.pri Kantonalnom sudu u Sarajevu broj: 065-0-Reg-08-002972 od 28. 11.2008 god.

Na osnovu čl. 8. i 19. Zakona o javnim preduzećima u Federaciji Bosne i Hercegovine („Službene novine Federacije BiH“, br:8/05,81/08,22/09 i 109/12), te člana 30. Statuta Kantonalnog javnog komunalnog preduzeća za sahrane i upravljanje grobljem „POKOP“ d.o.o. Sarajevo, Nadzorni odbor na sjednici održanoj 22.06.2017.godine, donosi:

PRAVILNIK

Kantonalnog Javnog Komunalnog Preduzeća „POKOP“ d.o.o. Sarajevo, za sahrane i upravljanje grobljem o održavanju groblja, izgradnji i investicijskom održavanju objekata infrastrukture groblja te nabavci strojeva i opreme za održavanje groblja.

I. OPĆE ODREDBE

Član 1.

Pravilnikom Kantonalnog Javnog Komunalnog Preduzeća „POKOP“ d.o.o. Sarajevo, za sahrane i upravljanje grobljem (u daljem tekstu: Preduzeće) o održavanju groblja, izgradnji i investicijskom održavanju objekata infrastrukture groblja te nabavci strojeva i opreme za održavanje groblja (u daljem tekstu: Pravilnik), uređuje se:

- I. Plan i program godišnjeg održavanja groblja;
- II. Plan i program izgradnje i investicijskog održavanja objekata infrastrukture groblja i nabavke strojeva i opreme za održavanje groblja;
- III. Održavanje groblja:
 - Održavanje travnjaka i zelenih površina,
 - Sadnja i održavanje nasada drveća cvijeća,
 - Prikupljanje i odvoz smeća nastalog na grobljima,
 - Održavanje staza, cesta, objekata i ostale infrastrukture groblja,
- IV. Izgradnja i investicijsko održavanje objekata infrastrukture groblja;
- V. Obračun održavanja groblja, izgradnje objekata, investicijskog održavanja i nabavke opreme.

II. PLAN I PROGRAM GODIŠNJEG ODRŽAVANJA GROBLJA

Član 2.

(Obaveza donošenje Plana i programa godišnjeg održavanja svih grobalja)

Plan i program godišnjeg održavanja svih groblja (u daljem tekstu: godišnji Plan održavanja), donosi Uprava Preduzeća krajem tekuće godine za narednu kalendarsku godinu.

Član 3.

(Sadržaj godišnjeg Plana održavanja)

- (1) Godišnjim planom održavanja, utvrđuju se planirane aktivnosti vezane za održavanje groblja koje se odnose na:
 - a) Košnju zelenih površina groblja ručnim trimmer korilicama;
 - b) Košnju zelenih površina groblja samohodnim motornim kosilicama;
 - c) Čišćenje svih površina groblja (blato, lim, staklo, plastika, najlon, stari aranžmani i sl.);
 - d) Prikupljanje smeća i privremeno deponiranje u grobljima;
 - e) Odvoz smeća iz privremenih deponija groblja na gradsku deponiju;
 - f) Održavanje staza, klupa, korpi za smeće, mjesta za vodu i metle;
 - g) Nabavka i oprema groblja amperima za vodu i metlama za održavanje grobova;
 - h) Održavanje ograde groblja;
 - i) Sadnja, obrezivanje i održavanje rastinja i ukrasnog bilja;
 - j) Rezanje starog rastinja;
 - k) Održavanje objekata na groblju;

- l) Čišćenje snijega sa staza, platoa, grobljanskih cesta i parkirališta.
- (2) Godišnjim Planom održavanja svih groblja potrebno je iskazati planirana finansijska sredstva koja će se utrošiti za realizaciju planiranih aktivnosti vezani za održavanje groblja.
- (3) Planiranje aktivnosti vezane za održavanje groblja, godišnjim Planom održavanja groblja potrebno je pojedinačno razraditi prema količini, jediničnoj cijeni i ukupnoj cijeni za svako groblje pojedinačno te iskazati ukupno za sva groblja.

Član 4.

(Godišnji Plan održavanja iz sredstava određenih Budžetom Kantona Sarajevo)

- (1) Za troškove održavanja groblja koje iz Budžeta dijelom pokriva Kanton Sarajevo, izrađuje se godišnji Plan održavanja prema količini, jediničnoj cijeni i ukupnoj cijeni za svako groblje pojedinačno te sveukupno za sva groblja, u visini iznosa koji se za tu namjenu planira iz Budžeta.
- (2) Za pokriće troškova održavanja groblja koje dijelom iz Budžeta pokriva Kanton Sarajevo, realizovat će se u skladu sa Planom iz stava (1) ovog člana.

III. PLAN I PROGRAM IZGRADNJE I INVESTICIJSKOG ODRŽAVANJA OBJEKATA I INFRASTRUKTURE GROBLJA TE NABAVKU OPREME ZA ODRŽAVANJE GROBLJA

Član 5.

(Obaveza donošenja Plana i programa izgradnje i investicijskog održavanja objekata infrastrukture groblja)
Plan i program izgradnje i investicijskog održavanja objekata infrastrukture groblja te nabavke opreme za održavanje groblja – (u daljem tekstu: godišnji Plan izgradnje), za sva groblja donosi Uprava Preduzeća krajem tekuće godine za narednu kalendarsku godinu.

Član 6.

(Sadržaj godišnjeg Plana izgradnje)

- (1) Godišnjim Planom izgradnje za sva groblja utvrđuju se planirane aktivnosti vezane za izgradnju i investicijsko održavanje objekata infrastrukture groblja i nabavku opreme za održavanje groblja, kao što su:
 - a) Izgradnja i investicijsko održavanje objekata mrtvačnice, kapela i pratećih objekata;
 - b) Izgradnja i investicijsko održavanje staza, cesta i oproštajnih platoa;
 - c) Izgradnja i investicijsko održavanje ograda grobla, kapija i deponija;
 - d) Izgradnja i investicijsko održavanje vodovodne mreže i elektroinstalacija;
 - e) Izgradnja i investicijsko održavanje uredskih i pomoćnih prostora;
 - f) Nabavka strojeva i opreme za održavanje groblja;
 - g) Nabavka strojeva i opreme za prikupljanje i odlaganje smeća;
- (2) Godišnjim Planom izgradnje potrebno je iskazati planirana finansijska sredstva koja će se utrošiti za realizaciju planiranih aktivnosti vezanih za izgradnju i investicijsko održavanje objekata groblja te nabavku potrebne opreme.
- (3) Planirane aktivnosti vezane za izgradnju i investicijsko održavanje objekata infrastrukture groblja te nabavka opreme za održavanje groblja godišnjim Planom izgradnje potrebno je pojedinačno razraditi prema pojedinom objektu odnosno vrsti opreme s naznakom groblja na koje se odnosi te iskazati ukupno za sva groblja.

Član 7.

(godišnji Plan izgradnje iz sredstava određenih Budžetom Kantona Sarajevo)

- (1) Za troškove izgradnje i investicijskog održavanja objekata infrastrukture groblja i nabavku opreme za održavanje groblja koje iz Budžeta pokriva Kanton Sarajevo, izrađuje se godišnji Plan izgradnje i investicijskog održavanja odnosno nabavke opreme za održavanje groblja prema pojedinom objektu odnosno vrsti opreme sa naznakom groblja na koje se odnosi te ukupno za sva groblja, u visini iznosa koji se za tu namjenu planira iz Budžeta.

- (2) Za pokriće troškova izgradnje i investicijskog održavanja objekata infrastrukture groblja i nabavku opreme za održavanje groblja koje iz Budžeta pokriva Kanton Sarajevo, realizovat će se u skladu sa Planom iz stava (1) ovog člana.

IV. ODRŽAVANJE GROBLJA

Član 8.

(Održavanje travnjaka i zelenih površina)

Održavanje travnjaka i zelenih površina groblja podrazumijeva:

- a) Proljetno izravnjavanje svih travnatih površina groblja kako livadski tako parkovskih;
- b) Proljetno čišćenje zelenih površina od smeća, ostataka svijeća, kamena, betona i sl;
- c) Čišćenje parkovskih površina od suhih grana, lišća i ostalog smeća;
- d) Strojnu kšnju svih površina groblja kako livadskih i parkovskih tako onih oko grobnih mjesta, trimer kosilicama i motornim samohodnim kosilicama;
- e) Ispuhivanje staza i grobnih mjesta od ostataka trave nakon izvršene košnje.

Član 9.

(Košenje groblja)

Košenje groblja, posebno površine oko grobnih mjesta, mora se vršiti tako da se oprema grobnih mjesta čuva od oštećenja a grobna mjesta što je više moguće od zaprljanja.

Član 10.

(Održavanje travnjaka)

Održavanje travnjaka i zelenih površina košnjem vrši se kontinuirano tijekom godine sve dok za košnjom trave postoji potreba.

Član 11.

(Održavanje staza, cesta, mjesta za praking, mjesta za vodu i ostalih površina)

Staze, ceste, mjesta za parking, mjesta za vodu i ostale površine unutar i izvan groblja koje se nalaze u zoni košnje moraju se poslije svake košnje ispuhati ili pomesti od ostataka trave i prašine.

Član 12.

(Sadnja i održavanje nasada drveća i cvijeća)

Sadnja i održavanje nasada drveća i cvijeća podrazumjeva:

- a) Sadnju novog ukrasnog bilja, drveća ili cvijeća na slobodnim prostorima groblja radi postizanja i očuvanja pejzažnih i estetskih vrijednosti groblja;
- b) Rezanje postojećih nasada oštećenog bilja i drveća i sadnja novog;
- c) Održavanje postojećih nasada ukrasnog grmlja, drveća i živice orezivanjem, prorjeđivanjem i oblikovanjem;
- d) Sadnja i održavanje sezonskih cvjetnih nasada;
- e) Zalijevanje novih nasada u sušnim periodima radi očuvanja.

Član 13.

(Slučajevi u kojima se uklanjaju postojeći nasadi)

- (1) Rezanje i uklanjanje postojećeg nasada ukrasnog bilja i drveća obavlja se u slučaju kada postoji opravdana potreba i to:
 - a) Kada ukrasno bilje zbog svog izgleda narušava krajobraznu i estetsku vrijednost groblja;
 - b) Kada od drveća postoji opasnost oštećivanja grobnih uređaja;
 - c) Kada je drveće osušeno pa svojim izgledom narušava krajobraznu i estetsku vrijednost groblja;
 - d) Kada drveće svojom veličinom ili položajem predstavlja opasnost za posjetitelje groblju ili ugrožava objekte groblja.

- (2) Rezanje i uklanjanje drveća koje, zbog otežanog pristupa, položaja i veličine, ne može izvršiti Uprava groblja, Uprava groblja će povjeriti pravnoj ili fizičkoj osobi ovlaštenoj i osposobljenom za rezanje i uklanjanje drveća u posebnim uvjetima, odabranoj sukladno pozitivnim zakonskim propisima o nabavi roba i usluga.

Član 14.
(Održavanje postojećih nasada)

- (1) Održavanje postojećih nasada ukrasnog bilja i drveća podrazumjeva oblikovanje grmlja i živice u oblike koji svojim izgledom pridonose ljepšem izgledu groblja.
- (2) Održavanje drveća podrazumjeva podrezivanje grana koje ometaju prolaz posjetitelja groblju, koje zaklanjaju nadgrobne uređaje, grana koje su prijetnja posjetiteljima groblja, grobovima ili objektima u groblju te suhih grana koje narušavaju estetski izgled drveća.

Član 15.
(Sadnja ukrasnog bilja i drveća)

- (1) Sadnja ukrasnog bilja i drveća obavlja se na temelju izrađenog plana sadnje koji sadrži vrste grmlja i drveća, količine, groblja na kojima će se sadnja izvršiti te prostore za sadnju unutar groblja.
- (2) Svako odrezano drvo ili ukrasno grmlje, treba, gdje je god to moguće, nadomjestiti sadnjom novog kako bi groblje zadržalo dostignutu razinu nasada.

Član 16.
(Prikupljanje i odvoz smeća nastalog na groblju)

- (1) Prikupljanje i odvoz smeća na groblju podrazumjeva:
- a) Postavljanje košara za privremeno odlaganje smeća (svijeća, aranžmana, cvjeća i sl.)
 - b) Prikupljanje smeća iz košara, divljih deponija unutar groblja i ostalih površina groblja i odlaganje na grobljansku deponiju, kontejnere ili pres kontejnere
 - c) Prikupljanje lišća, iglica, ostataka trave i korova te biljnog otpada nastalog od rezanja i obrezivanja drveća i ukrasnog bilja i odlaganje na privremenu grobljansku deponiju
 - d) Prikupljanje zemlje, građevinskog otpada i ostalog otpada sa površina groblja i odlaganje u privremenu grobljansku deponiju
 - e) Utovar i odvoz prikupljenog smeća iz grobljanske deponije na gradsku deponiju
- (2) Prikupljanje smeća koje nastaje na groblju obavlja se kontinuirano kako bi sve površine groblja bile uredne i održavane.

Član 17.
(Održavanje staza, cesta, objekata i ostale infrastrukture groblja)

- (1) Pod održavanjem staza, cesta, objekata i ostale infrastrukture groblja podrazumjeva se:
- a) Kontinuirano održavanje čistoće staza, cesta i oproštajnih platoa ispred objekata mrtvačnice tokom godine a posebno u zimskim uvjetima čišćenja snijega;
 - b) Popravke hodnih površina staza i platoa;
 - c) Zasijecanje rubova staza, cesta i platoa uklanjanjem zemlje, korova i trave;
 - d) Održavanje čistoće objekata za ispraćaj umrlih;
 - e) Održavanje uredskih, sanitarnih i pratećih objekata;
 - f) Održavanje vodovodne mreže te prostora za slavine, metle i kante;
 - g) Održavanje rasvjete, razglasa, klupa, košara za prikupljanje otpada;
 - h) Održavanje funkcionalnosti ulaznih kapija;
 - i) Održavanje ograda groblja i grobljanskih deponija.
- (2) Održavanje svih objekata infrastrukture groblja obavlja se kontinuirano kako bi groblja u svakom trenutku zadovoljila sve potrebe zaposlenika, svih korisnika grobnih mjesta i posjetitelja.

Član 18.
(Postavljanje obavijesti i nadzor ponašanja na groblju)

- (1) Postavljanje obavijesti na groblju podrazumijeva postavljanje:
 - a) Naziv groblja;
 - b) Pravila o ponašanju na groblju;
 - c) Znakova zabrane uvođenja pasa i drugih životinja u groblje;
 - d) Informativnog panoa sa planom groblja i bitnim oznakama groblja;
 - e) Obavijesti o radnom vremenu;
 - f) Ostalih obavijesti bitnih za korisnike i posjetitelje;
 - g) Oznaka grobnih polja i redova;
- (2) Obavijesti koje se postavljaju na groblje u pravilu se postavljaju na ulazu u groblje i moraju na jasan i nedvosmislen način dati pricu obavijest korisnicima i posjetiteljima groblja.

Član 19.
(Vrijeme posjete groblju)

Vrijeme posjete groblju je propisano Pravilnikom o ponašanju na groblju. Izvan vremena propisanog za posjete, groblja su u pravilu zatvorena za posjete i bilo koje druge aktivnosti.

V. IZGRADNJA INVESTICIJSKO ODRŽAVANJE OBJEKATA INFRASTRUKTURE GROBLJA I NABAVKA OPREME ZA ODRŽAVANJE GROBLJA

Član 20.
(Realizacija aktivnosti izgradnje i investicijskog održavanja)

Aktivnosti vezane za izgradnju i investicijsko održavanje objekata infrastrukture groblja i nabavku opreme za održavanje groblja definirane su godišnjim Planom izgradnje iz člana 7. ovog Pravilnika.

Član 21.
(Izgradnja objekata za koje je potrebna dozvola za gradnju)

- (1) Izgradnja objekata mrtvačnice, pomoćnih objekata i ostalih objekata unutar groblja za izgradnju kojih je potrebna dozvola za gradnju može se izvršiti nakon pribavljene potrebne dokumentacije za izgradnju, u skladu sa važećim propisima.
- (2) Izgradnju navedenih objekata može izvršiti KJKP „POKOP“ d.o.o. Sarajevo ili druga pravna ili fizička osoba ovlaštena za izvođenje radova, odabrana u skladu sa Zakonom o javnim nabavkama („Službene list BiH“ broj 39/14), uz saglasnost Kantona Sarajevo.

Član 22.
(održavanje objekata za koje nije potrebna dozvola za gradnju)

Investicijsko održavanje objekata infrastrukture groblja za koje nije potrebna dozvola za gradnju, može izvršiti KJKP „POKOP“ d.o.o. Sarajevo ili druga pravna ili fizička osoba ovlaštena za izvođenje radova, odabrana u skladu sa Zakonom o javnim nabavkama („Službene list BiH“ broj 39/14), uz saglasnost Kantona Sarajevo.

Član 23.
(nabavka strojeva i opreme)

Nabavku strojeva i opreme za održavanje groblja, opreme za prikupljanje i odlaganje smeća će izvršiti KJKP „POKOP“ d.o.o. Sarajevo u skladu sa Zakonom o javnim nabavkama („Službene list BiH“ broj 39/14).

VI. OBRAČUN ODRŽAVANJA GROBLJA, IZGRADNJE I INVESTICIJSKOG ODRŽAVANJA OBJEKATA TE NABAVKA STROJEVA I OPREME

Član 24.

(Obračun izvršenih radova)

- (1) Obračun izvršenih radova na održavanju groblja troškove koji se pokrivaju iz Budžeta Kantona Sarajevo, vrši Uprava Preduzeća na kraju svakog mjeseca u skladu sa godišnjim Planom održavanja groblja te, kao dokaz izvršenog posla, ispostavlja račun Kantonu Sarajevo.
- (2) Mjesečni obračuni izvršenih radova na održavanju groblja sadrži opis vrste radova, količine, pojedinačne cijene, ukupni mjesečni iznos troškova održavanja za svako pojedino groblje te zbirni iznos troškova održavanja svih groblja u tom mjesecu, održavanje kojih je obuhvaćeno Planom održavanja.
- (3) Troškovi održavanja groblja koje, sukladno godišnjem Planu održavanja i Ugovoru o održavanju groblja, snosi iz Proračuna Kantona Sarajevo, moraju biti u okviru odobrenih sredstava.
- (4) Uprava KJKP „POKOP“ d.o.o. Sarajevo je dužna svaku pojedinu izgradnju i investicijsko održavanje objekata te nabavku opreme za prikupljanje i odlaganje smeća, izvršiti u okviru odobrenih sredstava.

Član 25.

O utrošenim sredstvima za svaku pojedinu izgradnju i investicijsko održavanje objekata te nabavku strojeva i opreme za potrebe groblja, Uprava Preduzeća kao dokaz o utrošenim sredstvima ispostavlja račun Kantonu Sarajevo.

VII. PRIJELAZNE I ZAVRŠNE ODREDBE

Član 26.

(Izmjene i dopune)

Izmjene i dopune ovog Pravilnika vrše se na način predviđen za njegovo donošenje.

Član 27.

(Stupanje na snagu)

Ovaj Pravilnik stupa na snagu osmog dana od dana objave na oglasnoj ploči Uprave groblja.

Broj:02-02-1413-5/17

Sarajevo, 22.06.2017.godine.

Potvrđena zakonitost pravilnika od kvalifikovanog lica pravne struke (čl. 19. ZJP FBiH)



PREDSJEDNIK
NADZORNOG ODBORA

Sirovina Bećir